



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

De S. Hermenegildo.

urn:nbn:de:hbz:466:1-12077

IN COMMEMORATIONE
S A N C T I P A U L I
E T
IN CONVERSIONE.

AD V E S P E R A S ,
& Matutinum.

QU I, magne doctor Paule, cœlum
possides,
Attolle tecum carne mentes obrutas,
Dum cæca claro visui cedat fides,
Et solis instar sola regnet caritas.
Deo Patri laus, &c. *ut suprà.*

DE S. HERMENEGILDO.

AD V E S P E R A S ,
& Laudes.

OLAUS Hesperiae! lux nova si-
derum;
Hermengilde, decus nobile Martyrum;
Magnus, magnanimi nomine principis,
Major nomine martyris.

ECCLESIASTICI. 71

Hæc est una tibi, summāque dignitas,
Omni fraude carens, labéque sanctitas;
Est hæc vita tibi, vivere Numini,
Non servire cupidini.

Hos sensus adimit nulla necessitas,
Excelsi generis nulla propinquitas:
Sed præfers sapiens firma fugacibus,
Nil terrestre, perennibus.

Tu, qui Martyribus grandia præparas,
Da res, sancta Trias, spernere pro-
speras,
Ut per martyrium nobile spiritū
Nobis des bona cælitus. Amen.

AD MATUTINUM.

TE Divina suis gratia dotibus
Æternis superūm servat hono-
ribus;
Sed te pugna manet, palmāque nobilis,
Christi Martyr amabilis.

Nec tu debilibus traderis hostibus,
Cum duris tibi res tota parentibus;
Tandem cæsa cadis post mala plurima
Christi nomine viætima.

Tu, nos è superis protege sedibus,
Adjunctisque precess accipe laudibus,

Regalem decorans sanguine gloriam,
Illustri nece patriam.
O, qui Martyribus, &c.

DE SANCTO VENANTIO.

AD VESPERAS.

MARTYR Dei Venantius,
Christum negare nescius,
Partâ puer victoriâ,
Jugi triumphat gloriâ.

Hac innocens æstatulâ
Post carceres, post vincula,
Longâ fame frementibus
Cibus datur leonibus.

Sed belluarum duritas
Fit innocentî lenitas;
Parcunt tenellis artubus,
Pronis cadunt cervicibus.

Caput deorsum vertitur,
Haurire fumum cogitur:
Costis adustis, viscera
Manu cremantur barbarâ.

Patri supremo Numini,
Nato, sacróque Flamini,
Pro martyris victoria
Sit sempiterna gloria. Amen.

AD